



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

15. De vxore Imperatoris Theodosii Placilla, eiusq[ue] virtutibus, magna in
pauperes pietate.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

nacensi, præfente Ludouico Grosso rege Francorum leuatus, translatusque ad sanctum Donatianum, adeo suaue redolens, ut apothecam aromatum crederes. Interfectores eius, partim VVilhelmus vicecomes Iprensis occiderat, partim rex ipse morti tradidit.

De hoc Carolo comite Flandriæ eiusque virtutibus & obitu, plura scribit Iacobus Meijerus libr. 4. Annalium Flandriæ, subiungitque hoc miraculum, Apportatus est ad funus Caroli ab Rengero Telone, debilis quidam adolescens Rogerius nomine omnibus membris contractus, qui principis admotus corpori, subito sanus ac validus in pedes suos laudans Deum subsiliit, quo protinus miraculo Helias decanus Brugenſis, Trumoldusque Ecclesiæ Furnensis antistes cum multa, quæ pariter adfuit plebe in lætitiā effusi, templi pulsabant æra, osculo contingere corpus, ac nonnihil capilli eius barbæque ac vestium deſumere gaudebant: uti et inter domestica asseruarent sacra.

Nicephorus Callist. libr. 12. cap. 42. Ecclesiast. histor. De uxore Imp. Theodosij Placilla, eiusque virtutibus & magna in pauperum pietate.

CAP. XV.

Pietate Theodosij admodum auxit placilla ceterarum.

Theodosius Imperator plurimum quidem Ambrosij doctrina & constitutionibus est delectatus. Non parum verò occasio- nis & utilitatis ei, ad pietatem scilicet etiam, attu-

attulit eius coniunx. Quotidie namque diuinas leges, quibus ipsa antea crudita fuerat, in memoriam reuocauit. Non enim illa se imperiali efferebat potentia, sed potius amorem erga Deum sibi ipsi veluti thesaurum conferuabat. Quantò namque illa maiora ab eo beneficia acceperat, tanto etiam quotidie charitatem in benefactorem suam adaugebat magis. Itaque eorum, qui varijs detinerentur morbis, & membris partibusque corporis mutilati essent, omnis generis curam gessit, ipsaque per se ipsam in rebus omnibus eis inferuiens. In illorum enim domicilia ventitabat, & qua quisque indigeret re, eam illi suppeditabat. & Ecclesiarum hospitales domus circumiens, eos qui grauib. morbis lecto affixi erant, curauit. Non enim tantum illorum attingebat ollas, & iuscula delibabat: sed & patellas admovebat, panem apponebat, ciborum frusta afferebat, pocula elucebat, aliaque omnia pròptè & foeliciter obibat, quæ seruorum & ancillarum sunt officia. Ad eos verò, qui ministerium eius, quod per manus ipsa suas peragebat, inhibere conabantur, dicere solita erat: Imperio quidem conuenit, vt aurum id largiatur. Ego verò manuum mearum opus pro imperio ipso, ei qui id semel contulit, offero. Viro autem suo talia verba frequenter subiiciebat: Considerare te semper, coniunx suauissime, oportet, & quisnam antea fueris, & in quem locum te euexerit vniuersitatis huius

*Pulcherrima
Christianista
ma principis
specimen pla-
cella.*

*Famula prin-
ceps pauperi-
bus & agro-
tis inferuens.*

*Digna Chri-
stiana Augu-
sta vox.*

*Aliud corda-
te & sancta
Imperatricis
verbum me-
morebile.*

*Preceptū om-
nibus prin-
cipibus instilla-
dum.*

huius Deus. Si enim perpetuam eius rei obti-
nueris memoriam, non prorsus te ob accepta
beneficia erga eum ingratum præstabis: sed ex
præscripto legum Dei, quod ab eo accepisti,
gubernabis imperium: & ita eum, qui id tibi
ut fidei ministro commisit, ritè coles. Eiusce-
modi verba accinens, quæ ei insita erant diui-
na excitauit semina, cōtinuo admonitionum
fluxu ea rigans.

*Ioannes Nauclerus Chronicor. volum. 3. gene-
ration 36. De horrenda quadam demonia
voce in die sacro Pentecostes. & liberalitate
Henrici III. Imper. in pauperes.*

C A P. X V I.

Henrici III. Impe. fuit natura iucundus,
hominibus affabilis, coram omnibus
humilis, hostibus terribilis, pauperi-
bus pius & largus. Hic cū aliquando festum
Pentecostes apud Moguntiam celebraret, dia-
bolo suadente inter famulos Archiepiscopi
& famulos Abbatis Fuldenfis cōtentione sub-
orta de locatione, post verba deuentum est ad
verbera, ex quo Ecclesiæ pauimentum cruore
repletur, sed Episcopis & alijs cōuolantibus,
pax inter dissidentes reformata est, templum
purgatum, atq; cum multa deuotione Missa ce-
lebrata est, & cū ad illum versum Sequentiæ
uentum est, Hunc diem gloriosum fecisti, vox
ab aëre lapsa est, dicens: Hunc diem bellico-
sum ego feci. Quo audito rigentibus omni-
bus, Imperator diligenter intendens lætitiā
diabo-